

Cunvegnientscha davart il dretg dallas pleivs d'eleger il plevon

Serrada giu denter igl Uestg da Cuera e la Cumissiun administrativa dalla Baseligia catolica dil Grischun ils 4 da settember 1979, approbada dil Corpus catholicum ils 20 da november 1979

Igl Uestg da Cuera, *monsgr. dr. Gion Vonderach*, d'ina vart e la Baseligia catolica dil Grischun, representada entras la Cumissiun administrativa, da l'autra vart ein, ella intenziun

da reglar il dretg d'eleger ils plevons en tuttas pleivs dil Cantun tuttina, da promover la collaboraziun e la conresponsabladad dils commembers dalla pleiv tier l'elecziun dil plevon

e da mantener la buna harmonia denter las autoritads ecclesiasticas ed ils organs e commembers dalla Baseligia cantunala,

sin fundament d'art. 2 al. 2 dalla constituziun dalla Baseligia cantunala, secunvegni:

Art. 1 Dretg d'eleger

¹ Tenor art. 11 al. 7 dalla constituziun dil cantun Grischun ed en rama dils can. 1448 ss. dil Codex iuris canonici han las pleivs dil cantun Grischun il dretg d'eleger lur plevon, plevon-rector e caplon ni in provisor per quels uffecis.

² Igl uestg sa confidar provisoriamain igl uffeci ad in plevon, plevonrector e caplon sco provisor senza ina elecziun entras la pleiv, sche ina installaziun definitiva ei buca pusseivla e sche la suprastonza dalla pleiv va expressivamein d'accord cun quei. L'occupaziun mo temporara d'in uffeci parochial, d'in rectorat e d'ina caplania cun in provisor ei limitada temporarmain e sa buca cuzzar pli ditg che treis onns. Avon che quei termin seigi spiraus sto la procedura d'elecziun tenor art. 2 vegnir instradada ad uras.

³ En cass excepziunais sa ei tier in provisor installaus provisoriamain vegnir desistiu suenter 3 onns sin ina elecziun e vegnir priu en accordanza culla pleiv ina outra sliigiaziun che segirescha la pastoraziun.

Art. 2 Modus da procedura tier l'elecziun

¹ Eis ei d'occupar in uffeci parochial, in rectorat ni ina caplania, vegn la piazza publicada entras igl Ordinariat episcopal ei fegl ufficial dalla diocesa, momentan la "Schweizerische Kirchenzeitung", per dar la pusseivladad a mintgin da s'annunziar. La pleiv sa prender contact cun igl Uestg ed exprimer eventuals giavischs.

² Ei il termin publicau spiraus, decida igl uestg, tgi che dueigi vegnir presentaus sco candidat alla pleiv. Ei la pleiv dalla catedrala d'occupar, ston ins tener quen dils dretgs dil capetel catedral e sche in commember d'in uorden surpren in uffeci, eis ei da risguardar ils dretgs dil superiur digl uorden.

³ Il num dil ni dils candidats designai vegn presentaus entras igl Uestg alla pleiv. Tut las circumstanzias ch'ein da risguardar tier l'elecziun ed ils candidats vegnan tractai detagliadamein en ina discussiun comunabla.

⁴ San igl Uestg e la suprastanza s'unir sin in candidat, vegn quel proponius alla radunonza da pleiv per l'elecziun. Sche l'elecziun reussescha ella radunonza da pleiv, nominescha igl Uestg igl eligi.

⁵ San igl Uestg e la suprastanza da pleiv buca secunvegnir ni reussescha ina elecziun ella radunonza da pleiv buca, vegn in provisur nominaus tenor art. 1 ni l'entira procedura d'elecziun repetida.

⁶ Igl Uestg meina per regia las tractativas ella procedura da preparaziun dall'elecziun entras il vicari general per il Grischun. Enstagl dalla suprastanza dalla pleiv sa la pleiv incaricar cun las tractativas ina cumissiun eligida dalla radunonza da pleiv, la quala secumpona da commembers dalla suprastanza dalla pleiv e dil cussegl pastoral. En cass da pliras pleivs pastoradas dil medem plevon, sa igl Uestg contrahar comunablamein cun tut las pleivs pertuccadas.

⁷ Las normas detagliadas davart la procedura d'elecziun ellas pleivs vegnan, suenter ina secussegliada cun igl Uestg, regladas en ina ordinaziun.

Art. 3 Nominaziun da vicaris e d'assistents pastorals

Ils vicaris ed ils assistents pastorals nomineschan igl Uestg en accordanza cun il plevon, il qual secusseglia cun la pleiv.

Art. 4 Contract

¹ Sebasond sin l'incarica pastorala generala dada per scret digl Uestg al plevon ed a ses collaboraturs fa la pleiv in contract per scret cun il plevon, rector, caplon, provisur, vicari ed assistent pastoral. Quei contract fixescha ils dretgs e las obligaziuns dil titular digl uffeci e reglescha las damondas administrativas.

² Il contract e midadas che suonan ein da suttametter per l'approbaziun al vicari generai per il Grischun ed al president dalla Cumissiun administrativa dalla Baselgia cantunala catolica.

Art. 5 Examinaziun d'ina midada d'uffeci

¹ La pleiv ei autorisada da pretender ch'igl Uestg examineschi la midada da piazza d'in spiritual:

- a) sche il cuoz d'uffeci ordinari tenor las directivas digl ordinariat episcopal ei spiraus,
- b) sche igl ei avon maun motivs impurtonts.

² Ina damonda per examinar ina midada da piazza ei da far per scret entras la suprastonza dalla pleiv ed ei da motivar el cass dalla lit. b.

³ La risposta digl Uestg ad ina petiziun per examinar ina midada da piazza ei da far per scret e da motivar suenter ver tedlau ils pertuccai.

⁴ La Cumissiun administrativa approbescha las normas digl Ordinariat episcopal pertuccont ina midada da piazza dil spiritual dils 22-11-1973 e midadas vi da quella vegnan fatgas en accordanza cun la Cumissiun administrativa.

Art. 6 Approbaziun entras il Corpus catholicum

Questa convegnientscha basegna per sia valeivladad l'approbaziun dil Corpus catholicum ed acquista cheutras la vigur d'ina ordinaziun generala tenor art. 13 cefr. 1 dalla constituziun dalla Baseligia cantunala.

Art. 7 Entrada en vigur e disposiziuns transitorias

¹ La convegnientscha va en vigur igl 1 da schaner 1980.

² Ils art. 1, 2 e 3 vegnan applicai mo cura ch'ina piazza ei d'occupar danovamein, ferton che ils art. 4 e 5 valan era per ils contracts existents.